



Emi otode President Thomas S. Monson

Mme Edidiong eke Temple

Nte nnyin ikade temple, ekikere emem ye udong spirit ekeme ndiduk ntiene nnyin.

Mme ndima ndito eka-mi irenowo ye iban, esit enem mi ndidu ye mbufo ke ediye usenubok Easter emi ke ini esit kpukpru owo ekerede abanga Andinyanga ererimbot. Ami mmema nnyung nkom kpukpru mbufo nnyung mbong akam mbenge nda usung nto Ete ke Heaven mbanga se nditingde.

Conference emi anam isua itiaba tongo ekesongo mi nte President eke Ufok Abasi. Mme isua emi ikememke, mmo ekeyoho ye mme esisit mfina ye ediwak edidiong. Ke otu mme edidiong emi eke enemde akan onyung edide edisana edi ifet mi ndidiong nnyung mfiak mberede mme temple.

Idaha emi, ke November emi ebede mi ekedi ifet mi ndidiong nnyung mberede obufa ediye Phoenix Arizona Temple. Nke-sanga ye President Dieter F. Uchtdorf, Elder Dallin H. Oaks, Elder Richard J. Maynes, Elder Lynn G. Robbins, and Elder Kent F. Richards nka do. Okoneyo ekesierede usen edinam

emi, ema enam akamba usoro ke ido obio emi mkparawa ye nka-iferi emi ekewakde ekan Tosin Inang emi eketode nkan-nkuk temple oro ekanamde ediye-ediye. Ke edem usen oro ema ediong temple emi enyung eberede ke edisana ye edinem ikpehe ita.

Ndibop mme temple etim owut ata nkori eke ufok Abasi. Idaha emi nnyin inyene temple 144 ke ofuri ererimbot, utom ke aka iso ke ndinam temple Ition eye akan akpa ndien ke ebobop temple Duopeta efen ke ubok. Ke ediande do temple Duopeta efen emi eketingde ebanga edu ke nsio nsio idaha mbemiso etongo ndibop mmo. Isua emi nnyin imiduak ndifiak ndiong nnyung mberede temple Iba ndien iyediong inyung iberede mbufa temple Ition emi ikerede ndibop mma.

Ke mme isua iba eke ebede, nte nnyin isinde ifik ndibop mme temple se ikesian nkure, nnyin ima itre ndinam uduak ndibop mme mbufa temple. Ke usenubok emi, ami mmekop inemesit ndisian mbufa

temple Ita eke edibopde ke mme ebiet emi: Abidjan, Ivory Coast; Port-au-Prince, Haiti; ye ke Bangkok, Thailand. Nso oruk eti edidiong odu ono mme nti members ke mme ebiet emi, ke akpaniko, ke mme ebiet eke ebopde temple ke ofuri ererimbot.

Utom ke aka iso ndidiong itie anade ebop ye ndiyom isong ndibop mme temple efen koro edi udong nnyin ete yak ata ediwak owo enyene ukeme ndika temple ndien mmo ibiatke ini ye okuk eke okponde. Nte nnyin ikanamde ke edem, iyenam mbufo ediongo nte nkpo akade iso kabanga mme nkpo emi.

Ke ini nkerede mbanga mme temple, ekikere mi aka ebine mme ediwak edidiong emi isibode do. Nte nnyin ibede iduk ke temple, nnyin iyak mme mfina ye afanikong ererimbot inim ke edem. Ke esit edisana ufok emi, nnyin ikut nte nkpo eyede onyung anade nte akpanade nte edi. Ukpong nnyin obo emem ndien nnyin iboho ke mme mfina uwem nnyin.

Nte nnyin ikade temple nnyin inyene akamba akwa ntuk ye spirit emem emi okponde akan ntuk ndomo kiet efen emi ekemedede ndiduk esit owo. Nnyin iyetim idiongo se iko Andinyanga oworode ke ini Enye okodohode ete: “Nkpong emem ye mbufo, nyak emem Mi nno mbufo. . . . Ekuyak esit etimere mbufo, ekunyung eyak esit mbufo ekop ndik.”¹

Uto emem emi akan otuk esit ekededede—mme esit emi etimere, mme esit emi ebiomde ndobobi mbiomo, mme esit eke mifiokke se ekpenamde, ye mme esit etuade eyom unwam.

Ibighike ikaha mma nkop mbanga akparawa kiet emi ekekade temple ye esit emi eketuade oyom unwam. Ke ediwak ofiong ke edem enye ama obo ikot ndika mission ke South America. Edi, nwed uka isang esie ndiduk obio oro ama ebighi ndiworo tutu edoho yak enye akabare aka mission ke United States. Okposuk edi nte ke esit ikenemke enye sia enye mikikanke ika akpa itie ekenode enye aka, edi enye ama esin ifik anam utom ke obufa itie utom esie, ebieren ndinam utom ye ofuri ukeme esie. Edi esit ikenemke enye, nte ededi, koro enye ama okut idiok edu uwem ke edinam mme missionary emi ekemade udia uwem ekan ndi-kworo iko Abasi.

Ke ofiong ifang ama ekebe akparawa emi ama enyene udongo emi mikayakke enye asanga, ndien ke ntak oro ema eno enye onyong ufok okoduok odudu ke ntak udongo oro.

Ke ofiong ifang ama ekebe idem ama osong akparawa emi ofuri ofuri, ndien enye akan asanga. Ema edoho enye ete ke enye eyekan afiak aka mission, edidiong emi enye eketimde obong akam kpukpru usen oyom. Nkukure mfuho ekedi ke enye ana afiak aka mission emi enye okonyonde okpong, emi enye ekekerede ke ido ye edu usuk missionary ikofonke nte akpanade nte edi.

Enye ekedi temple ndibo ndongesit ye nsongo nte ke imo iyekop inemesit nte missionary. Ete ye eka esie nko ema ebong akam ete yak ndika temple emi ono eyen mmo unwam emi enye oyomde.

Ke ini akparawa emi odukde ubet celestial ke edinam ke temple, enye etie ke nkpoitie onyung otongo ndibong akam nyom nda usung nto Ete esie ke Heaven.

Ke mikebighike ikaha akparawa efen emi okodukde ubet celestial emi enying edide Landon. Nte enye asangade oduk ubet oro, enye okut akparawa oro emi eketiede ke nkpoitie, nte obopde enyin obong akam. Landon obo ntuk ete ke ana

enye enyene nneme ye akparawa oro. Edi koro enye mikoyomke ndinam enye odop akam esie kanga, enye enyime ndibet. Ke nkpo nte minute ifang ebete ke ini akparawa emi akade iso obong akam. Landon odiongo ke inaha imo ika iso ibet aba. Enye asanga ekpere akparawa oro onyung otuk enye ke afara sung sung. Akparawa oro edihe nte etrede akam esie onyung atat enyin. Landon eting sung sung ete “Ami mmekere ke akpana nneme-nneme ye afo, edi ntimke ndiongo ntak.”

Nte mmo enemede nneme, akparawa emi ayarade kpukpru esit esie ono Landon ke ndinam enye odiongo itie imo onyung odoho enye ke imo inyene udong ndongesit ye nsongo ke abanga mission imo. Landon, emi okonyongde mission edi ke isua kiet emi ekebede eting abanga se enye ekektude ke mission, mme idomo ye mfina enye eke enyenede, nte enye eke onwongore ebine Jehovah okoyom unwam, ye mme edidiong enye eke obode. Mme iko emi ama odong enye esit onyung ono enye nsongo, ndien udong ndika mission esie etim osong. Ke akpatre, nte ndik okurede, ekikere emem edi etiene akparawa emi. Esit enem enye nte enye odiongode ete ke eboro akam imo.

Mme mkparawa iba emi ebong akam kiet, ndien Landon ebenge idem ndinyong, ye inemesit ete ke imo ima ikpang utong ino ntuk eke edisana spirit emi enye okokopde. Nte enye eke adahade ada ndinyong, akparawa emi obup Landon ete, “Afo ekeka mission ke mmong?” Tutu esim ini emi, mmo ndomo kiet ikasiakke ino kiet eken enying itie emi mmo ekekade mission. Enyin akparawa emi okoyoho ye mmong eyet ke ini Landon ekesiakde enying mission esie. Landon ekeka mission ke ukem itie oro emi enye anade nte afiak aka!

Ke leta emi enye ewetde ono esok mi, Landon ama abuana ye

ami mme iko akparawa oro ke ini mmo eke-komde unyong: “Ami mma nnyene mbuotidem ke Ete ke Heaven eyediong mi, edi nkekereke nte ke Enye edidiong owo emi ekekade mission ke obio eke ami nyomke ndika. Mmediongo idaha emi ete ke kpukpru nkpo eyefon.”² Ema ekop enyung eboro akam nsuhoridem eke esit akpaniko.

Mme ndito eka-mi irenowo ye iban, mme idomo eyedu ke uwem nnyin; nnyin iyekut mme idomo ye mfina. Ke ini ikade temple, ke ini itide mme ediom emi ikanamde do, nnyin iyekan itim ibe mme idomo oro inyung ikan iyo mme idomo nnyin. Nnyin iyekut emem ke temple.

Mme edidiong eke temple edi anana ekom urua. Kiet emi enemde mi esit kpukpru usen uwem mi edi enye-emi edima anwan mi, Frances, ye ami ikobode nte nyin ikotongode edong ke edisana altar inyung inam mme ediom emi ediande nnyin kiet ke nsinsi. Ami nnyeneke edidiong ndomo kiet efen emi mmade nkan emem ye ndongesit emi nnyenede ke ndidiongo ke enye ye ami iyefiak idu otokiet.

Akam mi edi yak Ete nnyin ke Heaven odiong nnyin man nnyin inyene spirit ndika temple, man nnyin inim mme mbet Esie, ndien man nnyin itim uwutnkpo Obong ye Andinyanga nnyin, Jesus Christ. Ami mme-tie ntiense nte ke Enye edi Andifak nnyin. Enye edi Efen Abasi. Enye okoto udi oworo ke akpa usenubok Easter oro, ada ye Enye eno nsinsi uwem edi ono kpukpru ndito Abasi. Ke ediye usen emi, nte nnyin idarade akwa edinam emi yak nnyin ibong akam ekom ibanga akwa ye utibe eno Esie ye nnyin. Man emi edi ntre, sung-sung ke akam mi edi ke edisana enyin Esie, amen.

NKPRI NWED

1. John 14:27

2. Ewewet nneme emi odu ubok
Thomas S. Monson.

Mme ukpebnkpo eke Ini Nnyin Emi

Tongo ke Ofiong Ition 2015 tutu osim Ofiong Duop 2015, eda ukpebnkpo eke Melchizedek Priesthood ye Relief Society ke oyoho Ederi inang eto kiet mme awakde akan oro ke mme uteting iko emi ekenode ke general conference eke Ofiong Inang ke isua 2015. Ke ofiong Duop 2014, emekeme ndisio mme eteting iko eto general conference eke ofiong Inang ye ofiong Duop eke isua 2014. Mme stake ye district presidents ekeme ndimek ewe uteting iko eke mmo edikpebdeke ebiet mmo, nko mmo ekeme ndiyak ubiong emi nno mme bishops ye branch presidents.

Eteting iko emi odu ke mme ediwak usem ke conference.lds.org.



Andiwet edi President Dieter F. Uchtdorf

Udiana Ono-item ke First Presidency

Eno Mfon

Ke mfin ye ke nsinsi mfon Abasi osuk odu-du ono kpukpru esit eke obungore ye mbon eke spirit ofuhode.

Ke Easter Sunday nnyin imedara kabanga ata enyene-ubong nkpo-ntibe emi ikebetde ke anyan-ini tongo nte eketongo ererimbot.

Edi usen emi okokpuhode ofuri nkpo.

Ke usen oro, uwem ama okpuho.

Uwem mbufo ama okpuho.

Akanga ofuri ndito Abasi ama okpuho.

Ke eti usen oro, Andinyanga ubonowo, emi ekemende nkpokobi idioknkpo mkpa emi okobopde nnyin ukat odori ke Idemesie, ama obung nkpokobi oro onyung osio nnyin ke ufin.

Ke ntak nwaidem eke edima Andifak nnyin, mkpa inyeneke ifot ndomokiet, udi inyeneke edikan ndomokiet,¹ Satan inyeneke nsinsi odudu ndomokiet, ndien nnyin ifiak idi “obobon . . . inyung inyene eti idorenyin oto ke *eriset-ke-mkpa*” Jesus Christ.”²

Ke akpaniko, Apostle Paul ama enen kini enye odohode ete ke nnyin imekeme “ndida mme iko emi ndong kiet eken esit.”³

Mfon Abasi

Nnyin imesiwak nditing mbanga Uwa-usio-isop eke Andinyanga— ke ntre nnyin imenen!

Jacob eting iko ete, “Nsinam mbufo ekuting ebanga uwa-usio-isop Christ, man ekpenyene ata ifiok ebanga enye?⁴ Edi nte “nnyin itingde ibanga Christ, . . . idara Christ, . . . ikworo Christ, [inyung] iting prophecy ibanga Christ”⁵ ke ufang ekededi, nnyin ikufre ibanga ndikpono nnyung nno ekom ke nsinsi nwaidem Eyen Abasi.

Uwa-usio-isop eke Andinyanga iditreke ndinyene akpan-itie ke ukpebnkpo, ke nneme nnyin, mme ke esit nnyin. Edi edisana onyung asana-ama, koro okoto ke “akwa ye akpatre uwa emi” ke Jesus emi edide Christ akada “erinyanga-ukpong ono

ofuri mmo eke edinimde enying esie ke akpaniko.”⁶

Esikpa-mi-idem ndikere nte Eyen Abasi okosuhore edi man edinyanga nnyin, mbon eke mifonkke, misanake, anam-ndudue, ye anana-esit ekom owo nte nnyin isiwakde ndidi. Ami mmedomo ndifiok Uwa-usio-isop eke Andinyanga ke ekikere mi, ndien nkukure ifiok se ami nsinyene edi emi: ke Abasi etim ama nnyin, ofon-ama, ye ke nsinsi. Ami nkemeke nditongo nkere nte “ubom, ye uniong, ye ukpa, ye ndaha . . . [eke] ima Christ edide.”⁷

Eti usung ndiwut ima oro edi se nwed Abasi esiwakde ndikot *mfon Abasi*—akwa unwam ye edidiong osongo emi nnyin isikoride iworo-ikpong ndedehe ye usuhore-itie owo eke nnyin idide idahaemi ikesim owo-ubong eke “akpaniko ye unwana, tutu [nnyin inyene] ubong akpaniko inyung [ifiok] ofuri nkpo.”⁸

Oro edi ata inem nkpo, mfon Abasi emi. Edi esiwak edinana-ifiok mbanga mfon emi.⁹ Ke ntre, nnyin inyene ndifiok mbanga mfon Abasi edieke nnyin iyomde ndinyene se ema ekebenge enim eno nnyin ke nsinsi obio ubong Esie.

Ke ntak oro ami nyema nditing iko mbanga mfon. Akpan-akpan, akpa, danga mfon *esikpohore mme nusung eke heaven* ndien, udiana,

danga mfon *esiberede mme window eke heaven*.

Akpa: Mfon Esikpohore mme Usung eke Heaven

Koro kpukpru nnyin ima inam “idioknkpo, inyung iworo-ikpong ubong Abasi”¹⁰ ndien koro “ndedehe nkpo ndomokiet ikemeke ndiduk obio ubong Abasi,”¹¹ nnyin kiet-kiet idotke ndifiak nka iso Abasi.

Ekpedi nte nnyin inamde utom ino Abasi ye ofuri ukpong nnyin, oro ikemke, koro nnyin idisuk idi “eyenutom eke minyeneke udori.”¹² Nnyin idikemeke ndikut usung nka heaven; se utip-ikpe oyom eyedada nte ubiongo, emi nnyin minyeneke odudu ndikan ke idem nnyin.

Edi kpukpru idihe ntak-ntak.

Mfon Abasi edi akwa ye nsinsi idorenyin nnyin.

Oto ke nwaidem Jesus Christ, uduak mbom edikpe isop ono utip-ikpe¹³ “onyung [ono] mme owo usung eke mmo edinyenede mbuotidem man ekpetua mkpofio.”¹⁴

Idioknkpo nnyin, nte mmo ekpeyibe nte idudut, ekeme ndikabare mfa nte snow.¹⁵ Koro edima Andinyanga nnyin “ama ono idemesie nte ufak ono kpukpru owo,”¹⁶ ema eno nnyin usung ndiduk nsinsi obio-ubong Esie.¹⁷

Ema ekpohore usung!

Edi mfon Abasi ifiakke ida nnyin ikesim ndaha unana-ifiok-idioknkpo emi ekebede. Edieke erinyanga-ukpong oworode ndikwohode ndudue ye idioknkpo nnyin kpot, ntem erinyanga-ukpong—okpofon nte ofofon—inamke udong emi Ete ekenyenede abanga nnyin okure. Udong Esie okpon akan oro:

Enye oyom ndito Esie irenowo ye iban edikabare etie nte Enye.

Dian ye eno mfon Abasi, usung nditiene Abasi idaha owo ika edem; ada aka iso.

Ada aka ndaha eke nnyin mikemeke ndifiok! Ada aka ubong ke obio-ubong celestial eke Ete nnyin ke Heaven, emi nnyin, nte idude ke oku mbon-ima nnyin, ibo “oyoho ye ubong esie.”¹⁸ Ofuri nkpo edi eke nnyin, ndien nnyin idi eke Christ.¹⁹ Ke akpaniko, eyeyak kpukpru se Ete ekenyenede eno nnyin.²⁰

Man ibo emi, nnyin imoyom okpon akan ndikpohore usung; nnyin inyene ndiduk obio-ubong emi ye udong-esit eke ukpohore odude—ukpohore eke okponde emi nwed Abasi etingde owut nte “ndimana-obufa! Ihn, ndimana ke Abasi, mkpuho nwooro ke [ererimbot nnyin] ye idiok-itie, nkesim ndaha edinen-ido, nte Abasi akafakde-osio, ikabare idi ndito irenowo ye iban esie.”²¹

Udiana: Mfon Esiberede mme Window eke Heaven

Nkpo efen kabanga mfon Abasi edi ndibere window heaven, oto ke emi Abasi ayak edidiong eke odudu ye nsongo-nda ono, man nnyin ibo ukeme ndinyene mme nkpo eke okpoyomde usung okpong nnyin. Oto ke akwa mfon Abasi ke ndito Esie edi-kan nkari ye mbufioke eke andidiok, ekori ekpong idioknkpo, enyung “edifon [ema] ke Christ.”²²

Ekpedi nte ofuri nnyin ima inyene mmem-idem, nnyin iyekan mmo. Ke akpaniko oto ke mfon Abasi ke, edieke nnyin isuhore-idem nnyin inyung inyene mbuotidem, nkpo mmem-idem eyekabare enyene osongo.²³

Ke ofuri eyo uwem nnyin, mfon Abasi esinwangare edidiong

uwem isong ye mme eno spirit eke edinamde ukeme nnyin okpon onyung odiong uwem nnyin. Mfon Esie anam nnyin isana. Mfon Esie anwam nnyin ikabare nti owo.

Anie owo Edikeme Ndidot?

Ke Bible nnyin imekot nte Christ ekekade ufok Simon owo mme Pharisee.

Ke odoro-idem, etie nte Simon edi eti ye edinen owo. Enye esitim anam ubiong edu-ukpono esie ofuri ini: enim mbet, ekpe tithe, okpono usen Sabbath, obong-akam kpukpru usen, onyung aka synagogue.

Edi nte Jesus okodude ye Simon, nnwan kiet ama edi, ada mmong-eyet esie eyet ikpat Andinyanga, onyung ada edinem-aran odori ke ikpat Esie.

Simon ikenemke esit ye oruk edu-ukpono emi, koro enye ama odiongo ete ke nnwan emi edi anam-idioknkpo. Simon ndien edikere ete edieke Jesus mikpefiokke emi, oworo ete ke Enye idihe Prophet ndien ke Enye ikpeyakke nnwan emi otuk enye.

Ke ofioke edikere esie, Jesus owongore ese Simon onyung obup mbume kiet. “Obuot-eduot kiet okodu emi ekenyenede owo ison iba: . . . kiet akama enye pound aba ye duop . . . enye eken akama pound ition.

“Sia mmo [mbiba] minyeneke se edade esio ison, enye efen ono mmo mbiba. Ke otu mmo mbiba emi anie edima enye akan?”

Simon oboro ete kedi owo emi efende enye se ikponde ikan.

Ntem Jesus ono ata ukpebnkpo ete: “Omokut nnwan emi? . . . Emefen enye, ediwak idioknkpo; *koro ima esie okpon*: edi owo eke efende enye esisit inyeneke akpan ima.”²⁴

Ewe kotu owo iba emi ke nnyin itim ibiet?

Nte nnyin ibiet Simon? Nte nnyin imenyene mbuotidem ke nti edinam nnyin, idot-enyin ke edinen-ido nnyin? Ubak-ini nte nnyin imenana-ime ye mbon eke minamke se nnyin iyom? Nte nnyin idu ke auto-pilot, ikpa-mba ke Gospel Doctrine class, ndien ke ubak-ini nnyin ke isese mme cell phones nnyin kini sacrament service?

Mme nte nnyin ibiet nwan emi, ekekerede ete ke imo imetak inyung isop ofuri-ofuri oto ke ntak idioknkpo?

Nte nnyin *imema-ima ikagha?*

Nte nnyin imefiok ison eke nnyin ikamade Ete ke Heaven inyung ikpe-ubok ke ofuri ukpong nnyin iyom mfon Abasi?

Kini nnyin itongoke-edong ibong-akam, nte edi ndiwut edinen-ido nnyin, mme edi ndiyarade nnam-ndue nnyin, mkpe-ubok nyom mbom Abasi, nnyung nduoi mmong-eyet ekom ke akwa uduak erifak-ukpong?²⁵

Udukemeke ndidep erinyanga-ukpong ye okuk; edida iyip Eyen Abasi idep.²⁶ Ndikere ete ke nnyin iyekpuho nti utom ibo erinyanga-ukpong etie nte ndidep plane ticket ndien ikere ete ke nnyin inyene mbehe-ubomofum oro. Mme ndikere ete ke sia ikekpe okuk-ufok nnyin ikure, idahaoro ke nnyin ikama ukara ofuri iso isong.

Ntak emi Okopde Item?

Edieke mfon edide eno Abasi, ntak ndien edikop item nno mbet Abasi edide akpan nkpo? Nsidi ntak eke nnyin ifinade idem ye mbet Abasi—mme editua-mkpofiok, ke ntak nkpo

oro? Nsidi ntak eke nnyin inyimede ke nnyin iyoho ye idioknkpo ndien iyom ete Abasi anyanga nnyin?

Mme, ndibup mbume nte iko Paul eketingde ete, “Nte nnyin ikpamana iyire ke idioknkpo, man mfon ododiong awak? Iboro Paul edi mmem-mmem onyung anwanga ete: “Nsa nnyin O.”²⁷

Ndito-eka irenowo ye iban, nnyin imenim mbet Abasi—oto ke ima eke nnyin inyenede ino Enye!

Ndiyom man ifiok eno mfon Abasi ke ofuri esit ye ekikere nnyin eyeno nnyin ofuri ntak ndima nnyung nam item eke Ete nnyin ke Heaven ke nsuhoreidem ye esit-ekom. Nte nnyin isangade ke usung itiene Abasi, oro eyenam nnyin ifon, oro eyenwam nnyin ndikabare mbiet Enye, onyung afiak ada nnyin aka iso Esie. “Spirit Jehovah [Abasi nnyin]” esinam oruk “akwa ukpuhore oro ke uwem nnyin, . . . eke edinamde nnyin inyeneke udong aba ndinam idiok, edi ndinam se ifonde kpukpru ini.”²⁸

Ke ntre, nnyin ndinam mbet Abasi oworo oto nkori-obot eke anana-adanga ima ye esit-ekom ke ntak mfonido Abasi. Oruk akwa ima ye esit-ekom emi eyetim ada utom nnyin eyiri ye mfon Abasi. Nti ido idinanake-ke ekikere nnyin, ndien idorenyin nnyin eyesongo ada kiso Abasi.²⁹

Ndima ndito-eka irenowo ye iban, nditim nam iko Abasi idihe mbiomo. Edi ndifiak ndatesit—ndibenge idem man ibo akwa ubong eke odude ke nsinsi. Nnyin iyom uyio Ete ke Heaven koro spirit nnyin eyetim owongore oyom nkpo spirit. Mme usung eke nnyin mifeifiokke ete ke odu eyebere. Unwana ye ifiok eyesim nnyin kini nnyin idinamde uduak eke Ete.³⁰

Mfon edi eno eke Abasi. ndien udong nnyin ndinam ofuri mbet Abasi ko-owut nte nnyin inyande ubok nnyin ibo edisana eno emi ito Ete nnyin ke Heaven.

Ofuri Se Nnyin Ikpenam

Prophet Nephi ama adian akpan ekikere ono nnyin ndifiok mfon Abasi ke enye ofioride ete, “Nnyin inam utom akpan-akpan . . . ndikpe ndito nnyin ubok, nko ye ndito-ete nnyin, ete enim Christ ke akpaniko, enyung enam mkpe-mbiere ye Abasi; koro nnyin imefiok ete ke oto *ke mfon ke enyanga nnyin, ke ima ikanam ofuri ukeme nnyin ikure.*”³¹

Nte ededi, esikpa mi idem nte ke ubak-ini ke nnyin imesinam ndudue ke edikabare udim-iko emi”ke ima ikanam ofuri ukeme nnyin ikure.” Nnyin inyene ndifiok ete ke “ikure” idihe ukem nte “ke-ntak.”

Nnyin idiboho erinyanga “ke-ntak” ofuri se nnyin ikeme ndinam. Odu owo ke otu emi ekenamde *ofurise* nnyin ikpekemedede ndinam? Nte Abasi edibet tutu ofuri ukeme nnyin okure mbemiso Enye oduk edi ke uwem nnyin ye unyanga mfon Esie?

Ediwak owo ekop mmem-idem koro mmo esitaba kpukpru ini. Mmo ediongo ke akpa-ifet ete ke “ukpong osop ke akpaniko, edi obukidem enyene mmem-idem.”³² Mmo emenede uyio mmo ye Nephi ke ndifiori ete, “Ukpong mi omonyung odu ke mfuho oto ke mme idioknkpo mi.”³³

Ami mmenim nte ke Nephi ama ofiok ete ke mfon eke Andinyanga *eyeyak* onyung *enyime* nnyin ndikan idioknkpo.³⁴ Emi edi ntak Nephi eketimde anam utom ndikpe

ndito-esie ye ndito-ete esie ubok ete
“enim Christ ke akpaniko, enyung
enam mkpe-mbiere ye Abasi.”³⁵

Ke oro ebede, *oro edi* se nnyin
ikemede ndinam! Ndien *oro edi*
ubiong-utom nnyin mi ke isong!

Mfon Odu ono Kpukpru Owo

Kini ami nkerede mbanga se
Andinyanga akanam ono nnyin tutu
edisim akpa Easter Sunday oro, ami
nyom ndimenede uyio mi nnyung
nkwo itoro nno Ata Edikong Abasi ye
Eyen Esie, Jesus Christ!

Ema ekpohore mme usung eke
heaven!

Ema ebere mme window eke
heaven!

Mfin emi ye ke nsinsi mfon
Abasi osuk odu-du ono kpukpru
esit eke obungore ye spirit eke
ofuhode.³⁶ Jesus Christ ama asiak

usung ono nnyin man idok ikesim
ndaha emi ekikere owo mikemeke
ndifiok.³⁷

Ami mbenge nte ke nnyin iyeda
obufa enyin ye obufa esit ikut
nsinsi ufon kabanga uwa nwaidem
eke Andinyanga. Ami mbenge
nte yak nnyin ino Abasi ima ye
esit-ekom nnyin ke ata eno mfon
Abasi ke ndinim mbet Esie nnyung
ndara-nyoho man “ikpe[sanga] ke
obufa uwem [oro].”³⁸ Ke edisana
enyung Andikpeb ye Andifak nnyin,
Jesus Christ, amen.

NKPRI NWED

1. Kese 1 Corinthians 15:55; Mosiah 16:8.
2. 1 Peter 1:3; etim ewet edian.
3. 1 Thessalonians 4:18; kese nko mme ufang
13–17.
4. Jacob 4:12.
5. 2 Nephi 25:26.
6. Alma 34:10, 15.
7. Ephesians 3:18–19.
8. Doctrine ye Covenants 93:28.
9. Ke akpaniko nnyin idi “mkpri ndito, ndien
. . . itimke ifiok kanga adanga akamba

- edidiong emi Ete enyenede ke ubok Esie
onyung ebage onim ono [nnyin]” (Doctrine
ye Covenants 78:17).
10. Romans 3:23.
 11. 1 Nephi 15:34; see also 1 Nephi 10:21; Moses
6:57.
 12. Mosiah 2:21.
 13. Kese Alma 42:15.
 14. Alma 34:15.
 15. Kese Isaiah 1:18.
 16. 1 Timothy 2:6.
 17. Kese 2 Peter 1:11.
 18. Doctrine ye Covenants 76:56.
 19. Kese Doctrine ye Covenants 76:59.
 20. Kese Doctrine ye Covenants 84:38.
 21. Mosiah 27:25.
 22. Moroni 10:32.
 23. Kese Ether 12:27.
 24. Kese Luke 7:36–50; etim ewet edian.
 25. Mbuk-nke Christ kabanga owo Pharisee ye
owo obo-tax etim emen ekikere emi owut
(kese Luke 18:9–14).
 26. Kese Acts 20:28.
 27. Romans 6:1–2.
 28. Mosiah 5:2.
 29. Kese Doctrine ye Covenants 121:45.
 30. Kese John 7:17.
 31. 2 Nephi 25:23; etim ewet edian.
 32. Matthew 26:41; kese nko Romans 7:19.
 33. 2 Nephi 4:17.
 34. Kese 2 Nephi 4:19–35; Alma 34:31.
 35. 2 Nephi 25:23.
 36. Kese 3 Nephi 9:19–20.
 37. Kese 1 Corinthians 2:9.
 38. Romans 6:4.